



## In hierdie uitgawe...

Voorblad

**Kerknuus:**

Beroepenuus

Nuus oor predikante

Nuus oor gemeentes

Advertensies en kennisgewings

# eHervormer

www.hervormer.co.za

## Voorblad

### Die Hervormde Kerk se webblad stel 'n gespreksforum bekend

Die Webbladredaksie van die Hervormde Kerk se webblad het 'n forum geskep vir lewendige debat tussen lidmate, predikante, ouderlinge, diakens en les besoekers aan die webwerf. Die geselsforum is nou ten volle operasioneel na aanvanklike groeipyne.

Die geselsforum is op die webwerf van die kerk te kry by [www.nhk.co.za](http://www.nhk.co.za)

**Nederdutch Hervormde Kerk van Afrika**  
Amptelike webblad van die Nederdutch Hervormde Kerk van Afrika

Die voetewassing, soos beskryf in Johannes.13, gee uitdrukking aan die wese en roeping van die kerk. Die groot figuur wie se voete gewas word, is die wêreld wat met die ewangelië bedien word. Die kleiner gebukkende figuur is Jesus Christus (en sy kerk op aarde) wat met sy hele wese dien.

<input type="radio"/> Voorblad	<b>VISIE EN MISSIE</b> <b>Visie</b> Ons droom is dat alle mense in Jesus Christus sal glo as hoop vir die wêreld	<b>VANAF DIE REDAKSIE</b> Die insleutel van data wat betref predikante en gemeentes is feitlik op datum. Karen Breedt werk hard hieraan - dankie Karen! Help ons asseblief met die afhandeling van hierdie proses deur byvoorbeeld u eie inligting of die van u gemeente na te gaan, en laat ons weet van enige foute of ontbrekende inligting.
<input type="radio"/> Web Redaksioneel	<b>Missie</b> Om werklik Kerk van Christus te wees deur te fokus op: <ul style="list-style-type: none"><li>• Viering</li><li>• Gemeenskap</li><li>• Diens</li><li>• Getuienis</li></ul>	Enige ander suggesties - van watter aard ook al - is ook welkom.
<input type="radio"/> Oordenking vir die dag	Daarom wil die NHK as gemeenskap van gelowiges ons geloof in Jesus Christus in woord en lied vier, mense dien en van die verblossing in Christus gebly	<b>WAT IS NUUT?</b> Die kerkwapen in elektroniese vorm (volg die skakel Kerkadministrasie > Aktes, dokumente en verskeie >
<input type="radio"/> Ontmoet die NHKA		
<input type="radio"/> Verkondiging		
<input type="radio"/> Kerkadministrasie		
<input type="radio"/> Publikasies		
<input type="radio"/> Rade van die Kerk		

### Die Kerkkantoor sluit die week van Maandag 28 April tot Vrydag 2 Mei.

Slegs Dinsdag 29 April en Woensdag 30 April is werksdae. Personeel neem verpligte verlof aangesien die rekenaarsstelsel opgegradeer word gedurende dié week. **Gemeentes en predikante word versoek om van die reëling kennis te neem.**

### Kontakbesonderhede:

#### Webwerwe/skakels:

Webblad van die Hervormde Kerk - [www.nhk.co.za](http://www.nhk.co.za)  
Hervormer webwerf - [www.hervormer.co.za](http://www.hervormer.co.za)  
e-Hervormer - [www.hervormer.co.za/page03.html](http://www.hervormer.co.za/page03.html)  
Hervormer LIG! - [www.hervormer.co.za/page04.html](http://www.hervormer.co.za/page04.html)

#### E-posadresse:

Redaksie - [epos@hervormer.co.za](mailto:epos@hervormer.co.za)  
Nuus en berigte - [nuus@hervormer.co.za](mailto:nuus@hervormer.co.za)

### Inhoud:

Die e-Hervormer word uitgegee onder redaksie van *Die Hervormer*. Alle artikels, advertensies en kennisgewings is onderhewig aan goedkeuring deur die redaksie.

### Teken in op e-Hervormer...

Teken in op e-Hervormer en ontvang elke uitgawe per e-pos!

Stuur 'n e-pos na [epos@hervormer.co.za](mailto:epos@hervormer.co.za) of besoek die webwerf by [www.hervormer.co.za](http://www.hervormer.co.za) en klik op die 'Teken in'-opsie.



## BEROEPENUUS

### ► Beroepe ontvang

Ds Johann Mouton van Premiermyn na Ventersdorp.



Prop Larry van der Walt na Middelburg-Noord (deelyds).

## NUUS OOR PREDIKANTE

► **Ds Gert Beukes** van Johannesburg-Suid wat die beroep na die kombinasie Belfast/Dullstroom (deelyds) aanvaar het, word op Sondag 6 April deur die gemeente ontvang. Hy word by dieselfde geleentheid in sy amp bevestig. Oudl Bana Botha sal groete en gelukwense namens die gemeente oordra.

► Gemeentes van die Kerk word versoek om kommentaar te lewer oor **mnr Francois Evert** se aansoek om hertoelating tot die evangeliebediening. Hy was voorheen predikant van Koster.


### ► DRIE HERVORMDE TEOLOË VEREER

DIE UNIVERSITEIT VAN PRETORIA IS OP 8 MEI 2008 EEN HONDERD JAAR OUD . EEN VAN DIE HERDENKINGS GEDURENDE HIERDIE JUBILEUMJAAR, IS OM DIE 100 GROOTSTE PRESTEERDERS OP AKADEMIESE GEBIED TE VEREER. OP 26 MAART HET 'N GLORIERYKE FUNKSIE BY DIE UNIVERSITEIT PLAASGEVIND OM ERKENNING AAN HIERDIE BUITENGEWONE *DENKLEIERS* VAN UP OOR DIE AFGELOPE 100 JAAR TE GEE.

'n Voormalige viserektor en direkteur van Navorsing by UP, prof Theuns Erasmus, is die taak opgelê om dié 100 akademici te identifiseer. 'n Intense proses van raadpleging en ondersoek is gevolglik ingestel. Afgesien van oorspronklike navorsing en publikasies van elke kandidaat, is ook gelet op die persoon se wetenskaplike impak en internasionale aansien. Elkeen van hierdie laureati moes op die een of ander wyse of in 'n stadium stadium direk aan UP verbonde gewees het.

Drie Hervormde teoloë is vereer, naamlik prof JA Loader, tans dekaan van die Protestantse Fakulteit Teologie aan die Universiteit van Wenen (Oostenryk) en steeds geordende predikant van die NHKA, asook postuum prof BJ Gemser en prof A van Selms, albei in lewe verbonde aan UP en predikante van die Kerk.

Die huldigingslesing tydens die plegtigheid is aangebied deur prof Sydney Brenner, medewenner van die Nobelprys vir Medisyne in 2002, gebore Suid-Afrikaner en die afgelope dekades van Cambridge.



Prof Jimmy Loader het spesiaal uit Oostenryk gevlieg om die toekenning te kom ontvang. Mev Rina Loader het hom vergesel. Hy voel hom besonder dankbaar oor die eer wat hom en die Kerk te beurt geval het, sê hy.

Die Kerk is trots op prof Loader en sy twee voorgangers – al drie Hebraïci en Ou-Testamentici en boonop verteenwoordigers van die sogenaamde Etiese Teologie gedurende die 19de en 20ste eeu in Nederland – 'n rigting wat 'n derde opsie tussen ortodoksisme en liberalisme gesoek het en vandag steeds bepalend is vir die teologie van die NHKA.

Foto: Prof Jimmy Loader




## NUUS OOR GEMEENTES

### ■ Gemeente Nkana (Zambië)

Tydens die onlangse besoek van die Komitee vir Afrikabediening is die onderstaande foto's in die kerkgebou wat aan die Hervormde Kerk behoort het, geneem. Die pastorie waarin ds MJ Redelinghuys gewoon het, is langs die kerkgebou. Die kerkgebou is nog ongeskonde binne. Al verskil is die bord vir die trupojektor.



*Van links na regs: Ds Eksteen Botes, mnr Kobus Viljoen, drr Frans Boshof en Fanie Pretorius en prof Bieks Beukes*






## Advertensies en kennisgewings

- **Die Kommissie van die AKV** se buitengewone vergadering is verskuif na Dinsdag 15 April in die Raadsaal, Dirk van der Hoffgebou, Pretoria.
- Die **Dagbestuur van die Kinderhuise** vergader op 9 April in Pretoria.
- **Die Kerkkantoor** sluit die week van Maandag 28 April tot Vrydag 2 Mei. Slegs Dinsdag 29 April en Woensdag 30 April is werksdae. Personeel neem verpligte verlof aangesien die rekenaarstelsel opgegradeer word gedurende dié week. **Gemeentes en predikante word versoek om van die reëling kennis te neem.**
- **Rade en komitees** word herinner aan die halfjaarlikse verslag oor werksaamhede. Dit moet die sekretaris van die Kommissie teen 15 Mei 2008 bereik.
- **Evaluering van voornemende teologiestudente**  
Die evaluering van **voornemende teologiestudente** vind op 11 April 2008 plaas.  
**Matrikulante asook persone wat reeds gematrikuleer het**, kan aansoek doen vir evaluering om as student van die Hervormde Kerk te studeer.  
**Plek:** Fakulteit Teologie, Universiteit van Pretoria  
**Datum:** April van elke jaar  
**Aansoekvorms kan aangevra word vanaf:**  
Die Administrateur, Kuratorium vir die Teologiese Opleiding, Posbus 2368, PRETORIA 0001  
Telefoonnommer 012 420 5393; faksnommer 012 420 4303; e-posadres: [betsie.brits@up.ac.za](mailto:betsie.brits@up.ac.za)

### ● VAKATURES BY SENTIK

1

- Posbenaming:** Sekretaris vir Toerusting, Inligting en Kommunikasie  
**Aanstellingsdatum:** 1 Augustus 2008  
**Sluitingsdatum vir aansoeke:** 30 April 2008



## Agtergrond

Met die totstandkoming van die Raad vir SENTIK en die gepaardgaande instelling van 'n uitvoerende sekretaris soortgelyk aan die ander drie sekretarisse in die Kerk, het die verwagtings ten opsigte van hierdie pos, wat boonop aan die redakteurspos van *Konteks* verbind is, aansienlik uitgebrei.

Dit het verder duidelik geword dat die uitgebreide verwagtings wat aan SENTIK gestel word, nie langer deur die huidige posstrukturering geakkommodeer kan word nie.

Tydens 'n werkwinkel van die Raad vir SENTIK met lede van die Algemene Kommissie is op herstrukturering en uitbreiding van bestaande poste besluit. Die Algemene Kommissie het hierdie beplanning en die voorlegging van die Raad vir SENTIK by sy afgelope vergadering goedgekeur. Dit behels onder andere 'n interaktiewe kommunikasiemodel wat ondersteun word deur die integrering van die kommunikasie-opdrag in twee nuutsaamgestelde poste, naamlik die pos van Sekretaris (wat hier geadverteer word), asook die nuutsaamgestelde pos van dr Wian Kloppers. Hy het verkies om nie by die bestuurspos betrokke te wees nie, maar eerder by die pos van kreatiewe visuele kommunikasie, wat steeds aan die redakteurskap van *Konteks* verbind word.

Die nuutaangestelde *Sekretaris vir Toerusting, Inligting en Kommunikasie* sal sterk verantwoordelikheid neem vir die sinchronisering en vaartbelyning van kommunikasie in die Kerk deur die bevordering van kongruente kommunikasie op alle vlakke en tussen alle rolspelers. Dit is dus belangrik dat belangstellendes die volledige posbeskrywing sal bestudeer alvorens hulle oorweeg om vir hierdie pos aansoek te doen.

**Aansoeke:** Moet skriftelik aan die Mannekragbestuurder, mnr Piet Beukes, gerig word by Posbus 2368, Pretoria 0001 of [piet@nhk.co.za](mailto:piet@nhk.co.za) en vergesel wees van 'n volledige CV wat aandui hoe die kandidaat aan die posvereistes en profiel voldoen. Belangstellendes kan navrae rig aan mnr Piet Beukes (012 322 8885 of [piet@nhk.co.za](mailto:piet@nhk.co.za)) of dr Wian Kloppers (012 322 8885 of [konteks@nhk.co.za](mailto:konteks@nhk.co.za)). Die volledige posbeskrywing en profiel kan ook van hulle verkry word.

2


**Posbenaming:** Grafiese Kunstenaar  
**Aanstellingsdatum:** So spoedig moontlik  
**Sluitingsdatum vir aansoeke:** 30 April 2008

Die **pligte** behels onder andere die grafiese ontwerp en uitleg van korporatiewe visuele konsepte, verskillende publikasies van die Kerk, toerustingsmateriaal en elektroniese kommunikasie.

Die **vereistes** is die volgende:

- Bewese vaardigheid in *InDesign CS3, Adobe Photoshop CS3 en Adobe Illustrator CS3*
- Kennis van e-programme
- Vermoë om stof in pdf persgereed te maak
- Noukeurige taal- en tekshantering
- Bewese ondervinding in die uitleg van boeke, tydskrifte en e-kommunikasie
- Kreatiwiteit, selfdissipline, goeie menseverhoudinge en spanwerkvermoë
- Vermoë om effektief onder druk van sperdatums te werk
- Administratiewe vaardighede binne 'n publikasiekantoor se kommunikasie-opdrag

**Aansoeke** moet skriftelik aan die Mannekragbestuurder, mnr Piet Beukes, gerig word by Posbus 2368, Pretoria 0001 of [piet@nhk.co.za](mailto:piet@nhk.co.za) en vergesel wees van 'n volledige CV waarin vorige ondervinding aangedui word. Navrae kan gerig word aan dr Wian Kloppers (012 322 8885 of [konteks@nhk.co.za](mailto:konteks@nhk.co.za)).



## • Huis Uitkoms Bethulie

Kom geniet u goue jare in veiligheid en rustigheid!  
Sorgvrye, uifers bekostigbare inwoning op die platteland

HUIS UITKOMS BETHULIE  
(RESIDENTIA STIGTING)

Behou u selfstandigheid en menswaardigheid in 'n huislike atmosfeer

Dubbelwoonstelle en enkelwoonstelle met eie versorgde tuine. Dubbelkamers en enkelkamers kyk uit op pragtige tuine. Inwoning in twee huise (Huis Pienaar & Huis Van Blerk). Volle versorging vir verswakte bejaardes

24-uur-verpleegsorg, voedsame etes, wasgoedhantering, versorgde tuine, goeie sekuriteit, bekostigbare tariewe

*Liefdevolle versorging met 'n verskil: hier gee ons om vir mekaar*

**Kontakpersoon: Dr Pieter du Plessis 051 763 0177**

**[www.bethulie.com/huisuitkoms.html](http://www.bethulie.com/huisuitkoms.html)**

### **DIE 45STE NASIONALE KONGRES VAN DIE NEDERDUITSCH HERVORMDE SUSTERSVERENIGING VIND PLAAS OP 3, 4 & 5 JULIE 2008 IN DIE AULA, UNIVERSITEIT VAN PRETORIA, LYNNWOODWEG 264, PRETORIA.**

DIE EREPRESIDENT, ERELEDE VAN DIE VERENIGING, PREDIKANTSVROUE WAT DEUR HULLE ONDERSKEIE TAKKE AFGEVAARDIG IS, VOORSITTERS VAN TAKKE WAT NIE PREDIKANTSVROUE IS NIE, VROUEPREDIKANTE VAN DIE KERK WAT DEUR HULLE TAKKE AFGEVAARDIG IS EN HOOGSTENS TWEE AFGEVAARDIGDES VAN ELKE TAK, LEDE MET ADVISERENDE STEM (WAARNEMERS), LEDE MET SPREEKREG (ALLE BELANGSTELLEDE VROUELIDMATE) EN DIE ADMINISTRATEUR VAN DIE KERK OF SY VERTEENWOORDIGER, WORD HIERMEE NA DIE NASIONALE KONGRES OPGEROEP.

